

穆

堂

初

稿

穆堂初稿卷之五

臨川李紱巨來

螺川草

六一堂文讌

炎宋文章運源流尙足徵百年熙自洽五季弊相仍正
始音難復西崑體可憎艱難當景祐豪傑起廬陵波用
廻川障源看攬轡澄龍門齊逸驥鬼冊掃秋蠅餘子皆
奴隸時賢屬佐丞廟事爭范富廊廡立蘇曾居士身將
隱斯文道許承急流辭熱局別墅築寒藤竹簟風微扇
茅簷日頗蒸歸田還札錄載酒記觥稱歇絕千秋事風

流一代能辦香存翰墨遺跡漫坡塍達者今安在斯堂
得再升高文尋髣髴峻節想峻嶒地迥驚觀海時遙歎
語冰清言珠磊落白戰雪憎騰經雅相仇手師資共服
膺方欣同酌斗兼慰免擔簦車服徘徊拜窓櫺宛轉憑
高山還可仰重與數中興

古體呈廬陵邑侯劉定巖

飛鳥知擇林潛魚識依糶續麻候伯勞事桑看戴雋地
殊時復異出處等待識弱小弄柔翰宛若未施矜十年
慎不出殘蠹自把吟英華稍含咀卷軸頗沈浸荆山璞
尙光滄海珠始姪旣長事馳騁意氣金革衽批發每前

驅橫戈嘗獨枕勇餘矜投石暇勝或攝飲俗下競龍關
煩濫等聞僚少見多所怪往往相譏謔有言舌且捫無
端胸亦堪屢爲騷發機輒媿蜚坏嘗學海驚濤翻硯田
逢歲稔南山耕弗躬臯廡春誰賃菽薄不成啜水清難
久沁苦此稻粱謀一蹇每晨闕路難畏雨淩裘敝感風
漂君侯濟時傑相聞早心鏤雛鳳宜梧竹不數別駕任
況乃百里封彈琴豈足臨弦歌滿路衢上好下必甚神
閒足盤礴理密無漉滲相士在神遇如圭測土深修名
擬附驥覓媒誰令鴉秋風落拓歸長笑不肯暗束意終
莫揚懷誠空自沈故人在禾川羈棲分樾蔭杯棗共酬

醉文字得組紐歸舟越錦城欲鳴那忍噤雲霄未激昂
下眎殊仙仙看公鳴玉珂乘風入

柴禁

中秋廬陵暑中同彭并老次楊誠齋中秋月長句韻
乾坤局踣雙飛丸胡不日日羅杯盤况復對此清秋天
銀河滅盡無瘢痕青空沈沈輒欲動霄幄壓山天勢重
老桂盤髮不得緣何人吹簫騎紫鳳夜深起立水中央
地白庭空花未黃主人洗盞還更酌風露飛凌衣袂光
俛仰從前幾今夕依稀未改情狂癖莫問茫茫前路黑
且醉蒼蒼月華白人生有才寧論斗要須不負官厨酒

狂歌激烈空回首舉世悠悠誰否否

疊前韻贈彭并老兼用留別

君材松柏何九九連株結根相鬱盤下臨無地高入天
凌霜蝕雨矜古痕六月培風潮勢通萬牛未薦丘山重
偃蹇歲月從升沉肯嫌螻蟻誇鸞鳳溯洄空悵水中央
川雲幾白山月黃官舍因緣忽相值深衷自託銀鐙光
傾倒流連朝復夕壯志共癡文共癖鯉魚風起歸思催
一颿先破秋江白君留幾時看珠斗卯酉參辰一尊酒
吾鄉努力藉中興他日葵隲共君否
再疊前韻留別劉定巖

紛紛薄劣欲探九利器誰堪別錯盤使君英氣獨超妙
運斤斲鼻聖無痕疇昔文章京維動天子淮陽偶借重
或離晚進許通門識面爭先景星鳳末座逡巡與未央
秋風歸思木犀黃昨宵同賦中秋月賓從縱橫燈燭光
天邊圓缺分今夕挽袂徘徊憐痼癖詎數王粲依劉表
謬得知章誇李白且共登堂盡一斗渭城莫悵盈盈酒
丈夫傾蓋卽千秋金井銅餅予所否

贈萬字兆

吾鄉老輩擅雄文並源西江派未分盟尙不寒香火意
陣還同山鶴驚軍逡巡快閣將斜影牢落烏塘欲斷雲

今日飛揚君獨早天風海水借相聞

乙酉秋聞見放旣冬將謀北上廬陵劉侯定巖留款衙
齋漫次溫飛卿述懷百韻用怖悲感之私

驥寄輕千里蠅營鈍一隅春愁連浩蕩秋夢屢荒蕪行
止原天定文章合自娛未堪齊若士姑與笑非夫幽獨
憐子美鮮華後彼都射機疎二鵠散讖失三盧襍被長
爲客彈冠半誤儒事難趨合瓦性拙守方孟虛盼三山
影寧攜五嶽圖荆岡還抱玉甕水未逢珠早色迷芳草
先容重朽株猶龍曾羨李不齒竟慚樞已靳披帷得終
難韞櫝沾長鳴聊冀馬捷走恥韓盧仰鼻堪誰向捫心

頗自誣將營疑鬼哂計獲可神輸西笑憎同替南言慎
作巫燕歌誠善筑齊好屬吹竽便載紅顏出能逢碧眼
無寄門徒蹙蹙送郡定抑掄杜老愁分繭終童厭合繻
去兮應莞爾行也不嗟夫結契勞吟社從游耐舞雩儼
驢艱自給瘖馬恨何吁石室容窺未金臺何必乎殊才
疇計斗奇服世輕銖晦合修黃老名將謝紫姑鵲飛驚
柘彈螻屈感桑弧代斲虞傷匠飢驅枉過屠委身期入
幕失足畏當壚合或誇雙美乖猶棄八愚栖栖真可已
赫赫肯相須斂影收前猛韜光抱內腴璞完差是玉棟
枉直爲壚幸有明暗在無勞剝喙俱釣鮮求縮項探菽

問長鬚小隱無方地相忘到處湖春隄烟暗柳晚水月
明蘆鄉北遶鴻雁懷南學鷓鴣浣花仍築杜種樹小同
蘇意鬧忻牆杏心孤戒井梧家修分冷粥野收趁生芻
得句關青草亡詩補絳跗丹鉛閒點勘青紫謝拖紆未
嫁遲良匹能憐待老奴卑棲寧近鵲深沒敢逢鷗所少
離騷酒猶多敗興租辟人譏桀溺艱客重羅敷操潔非
蚯蚓知微亦螻蛄九苞空歎鳳五技易窮歸寂寞揚雄
宅猖狂阮籍途分金思管鮑結綬憶蕭朱身計愁行野
家憂急渡蘆意終含歎歎迹且漫于于與小乘伊軋帆
輕尾舳艫集辛頻戒蓼茹苦不勝荼壯舞寧先述悲歌

未後循已焉終躑躅見者只睢盱盡怪材難偶寧知德
不孤先生誠磊落後進惜崎嶇有獻都言好相稱定曰
俞花寒能獨賞蓬屈每同扶折簡傳銀鹿分林寄夜烏
車輕逢泰豆劍重得風胡適館嚴治具登堂讓拜趨飲
醇酣雅度食德飽嘉謨杯酌時醅酢衣推共曳婁錚錚
驚大呂踊躍向洪爐大璞今三刖中流仗一壺簾疎風
碎捲庭淨月平鋪申講輸重席探疑得陸厨不佻誠足
倣有道實堪模別圖皆球貝他山塊礧硤西堂閒謝客
東壁餉徐吾霧許設元豹苗固紫白駒古人誇鉅手往
哲導微軀德業相扶獎文章共究圖鍛翎眞惜鶴逸足

誤憐驚雉好雖容和途遙敢並驅併忘今所棄直與古
爲徒浪迹休蓬梗愁腸定舳舻贈行招絲鵲資用出青
蚨罪敢居懷璧瑕應慮掩瑜世情多曲致交道半虛拘
籬菊空盈把衡茅祇自誅鍾儀囚念楚張翰倦歸吳暖
律唯吹苑和風莫煦枯亦知心似面終恨識猶肩拔俗
誰千丈登高試一呼相看忘牝牡不用感蜘蛛心定浮
沈載情深上下孚飛憐衝雨燕疑釋渡水狐公意方懸
楊前修若合符軒裳猶土芥富貴等葭蓍片席分麟角
清琴和轂雛玉應騰結綠珠自繫紅襦鬱鬱松何似硜
硜石未殊風霜催若木星燧數秋榆晚節交盟菊新歡

敢怨蒲長歌無盡意羈旅復蜘蛛

乙酉落解示諸同志

落擴東歸不肖姿十年秋夢總參差本無門第妨齊暉
自是文章誤收之涼雨一天心上淚清霜幾點鬚邊絲
阮生未是猖狂客斜日長途不自知

不寐長牽明發憂西風鴻雁稻梁謀萬鍾豈足回青眼
三釜聊將慰白頭今日嚴徐曾奏記當年絳灌盡封侯
南山北闕吾焉往木葉蕭條一望秋

中流鼓枻夜漫漫顛氣填空斗極寒盡道李邕窺內秘
不論馮宿避中官功名一代還龍尾得失千秋付鼠肝

半枕清酣客小睡放渠西笑向長安

酌酒壽劉上舍靜淵兼柬彭并老

解我五雜組酌君雙巨羅請君爲我飲我當爲子歌人
生策足須及早飛光矢激如老何前年識君執君手歲
在昭陽月當酉心如意氣君最奇欲語不能籍在口彭
三并老贈予相逢行連蜷空天脫蛟蜃其人與詩兩可
誦往往清宵獨于喁中秋好月滿還虧燈施酒闌忽分
走我留螭屈秋山秋君張飽飄馳荊州棊書寂歷我改
席山川鬱紆君登樓三年飄疾風遽度還復相逢相別
處我年逾壯君始衰君守前修吾守故滔滔日下西江

波千里狂瀾誰砥柱君先相國道軒昂鳳毛麟角今遲
莫古人厚積乃一施不汲汲于當世知五十日艾服官
政以今準古真其時漢朱翁子困薪採自云富貴始自
茲富貴於君不足羨道當行矣何遲遲長安鼎鼎逢時
彥銀臺門接金鑾殿顏駟爲郎君未老終軍作客吾方
賤龍蛇尺澤起雷雨三北終當收一戰去年榜下別彭
三慷慨風雲眉宇見君歸幾時一問訊近來眠食還當
健

遊青原山次山谷老人韻

十日乃不雨風烟飛黃埃晨起日杲杲雲漢猶昭回陽

和變潺暑聊尋山水隈青原有成言風恬江光開十里
破山靄松柏饒良材驚心五賢祠瓦鑠令人哀且前歷
幽澗飛溜奔叢崖突兀見高殿青天勢可階金碧綯龍
象嵯聖連甍校思公道何隆愚者名許埋變本日加厲
滋蔓無埏埴盛衰理莫憑俛仰徒疑猜新建有原流曾
不潤枯荻去去飲我酒臨流傾深杯荷鍤未足殊狂可
以忘骸那復感千載刺促顏爲摧同游四五子林壑相
追賂溪響竟朝夕崩騰爭喧喧花明鳥亦幽聲色淨淫
哇山水有宿契不得與之偕筍輿動林杪日暮歸去來
涪翁亦何事當年役車催安能挹汝袖山中同徘徊

道中戲贈劉怡亭

嗟哉鴉髻推紅玉，裊裊輕烟猶一束。窄襖深紅半臂青，
練裙窄地湘波蹙。荒壕冷郭盡生春，皎若丹霞朝眩目。
遊子驚嗟見未曾，不道劉郎前度熟。去年寒食醉經過，
千樹夭桃紅蔌蔌。鞭駐馬，徘徊電掣星流去，何速。
立盡斜陽不肯歸，春鳥瞻望誰家屋。雲散風流復幾時，
倏忽飛光三百六。今來寂寞春旣晚，偶得重逢已心足。
人生如夢不可尋，惆悵舊遊誰得續。十二屏風天際深，
朝雲再見巫山曲。君看崔護更重來，桃花亂落迷山谷。
刻大覺芥新竹

野寺足幽篁萬玉森成列雲古有四時風深無六月江
聲颯然來凌空落青雪

相思鳥次歐公金雞十四韻

世降恩誼薄習安不相怪誰言羽族微稟德猶完粹華
襟自修整文章壓雕繪晨鳴共吟嚶夕舞同綵繒條籠
忽簋取神枯形日憊穿香失芳洲飲潔亡清瀨肉食豈
不感終謝區區愛其雌一舞絕朝來驚倒挂其雄哀倉
皇惆悵情遭賣風土違所宜霜露莫能戒翻恨網羅慈
不如同見害舒翼久持抱子亡吾得泰悲搶首頻觸憤
摧翎白鍛嗟哉伉儷情中谷斯人誠

過白鷺洲書院用施愚山韻

漫尋殘蹟撫碑陰
太守猶能說古心
遺教有神風力勁
虛堂不毀道根深
百年墜地悲周室
六月參天憶孔林
莫問前朝舊鐘鼓
風帆沙鳥只如今

被酒不寐得二絕句

交勸誰辭酒滿觴
官齋賓主盡他鄉
不知底事關心事
夏日無端夜更長

夢中歸路五峯深
溫語流連夜正沈
却被芭蕉風攪亂
窗前葉葉盡鄉心

題舅氏吳雲亭小影

百年寄髮須吾聞諸子瞻記我學詩時公亦韻甫拈我
時髻方剪公頗須兼兼儵忽二十載公髻我亦髻我髻
漆點點公髻霜纖纖我詩苦不加公年亦已添憑誰寄
幻相寫公入新縑我來一掩口俛仰重窺覘黃鵠與白
鳥變化能幾淹燭龍自暝际流換成涼炎相吹失本質
蒼白難髡鉗風波吾已稔烟霞公方恬臥者未肯起出
者猶思潛寒燈憶疇昔邨醪如蜜甜古來甥舅似形狀
寧沾沾題詩取一笑烏知和與嚴更後二十年相际無
相嫌

送何方聞還錢塘

毛先生集 卷之五
驕陽餘夏威狂飈接秋勁白雲天末情游子江東興與
君生異方同聲得相應有如逐波萍風薄偶然並聚散
苦不恒四載飛光競念當捨我歸解維發孤碇迢迢二
千里登堂拜家慶墨纒吾已非綵袖君猶勝君家東海
濱清淑扶輿併尹吉源彼都墳箎誇此令材爲世所須
治劇如理靜主賓膠漆堅綠水芙蓉映吾聞六朝時人
物諸何盛隴西今飄泊得友乃如命意氣藉激昂文字
要商訂茲行幾時復兩檣旋當趁籬菊有黃華足音吾
已聽

同江夜泊大風雨懷四弟巨方

已分萍蓬無定踪風波十載稔遭逢烏當月黑啼千里
鴈更雲寒失萬重暗壁連朝飢虎豹渾江終夜舞魚龍
壯心近覺銷磨盡伏枕真慙破浪宗

砢泮空驚野水濱同江烟雨滯行人可堪節向愁中換
翻覺情當夢境真兩地前程同浪漫百年往事半風塵
家山屈指東籬菊共插茱萸慰老親

放鴿行爲劉明府作

沉沉鬱金堂熒熒玳瑁梁海燕穩棲息珠簾花氣香東
風吹桃李青春何茫茫巢成生不繇白日無輝光客從
遠方至却立爲彷徨殷勤欲有獻綵鴿多文章願言侍

君子庶用致嘉祥雕籠爲繡闥金鈴爲明璫主人久歸
厨此志毋乃荒鴛鴦解並宿百鳥必雙翔豈不愛毛羽
爾族亦已傷且無發我笥且無逝我梁雕籠不爾奪金
鈴亦爾將還爾昔所稜安我命所當觀者色惆悵聞者
淚淋浪此意君不欺此理誠可明叶聽鶴前致辭宛轉
君子有願爲黃衣兒環銜金色黃報君以孫子世世爲
公卿叶爾蟲力誠弱豈不有彼蒼君看燕投懷安神向
閨房

劉在中投贈古體二章次韻奉答

夔虵足多寡米若秋蛇結相聚忽相憐咨嗟雨奇絕平

千燕趙閒自古生豪傑龍種得劉郎一鳴萬馬劣且忻
傾蓋歡未暇逢人說詩來慰苦由悲感莫能悅隨珠彈
可惜燕石藏已拙外論殊不爾二子方屑屑

孔門用詩賦誰得與斯文歐陽曾王黃崢嶸際海聞當
時甕牖士咸得附青雲後來虞范揭馳騁猶可忻而我
生也晚有如鴈失羣陵夷西江派輕薄正紛紛詩城君
家壯聊復張我軍遇合兒戲耳飛沉不足云

過明水寺

十年明水遊仙夢二月東風到處殊碧澗橋多橫九曲
丹砂水暖沸千珠由旬地布金盈笏香積蔬櫝玉滿厨

莫問當年陳禮部
野花芳草最蜘蛛

樟源阻雨寄陳淳如

頓轍樟源路驅之且已而泥塗誠久辱風雨輒相思
山漲過門急炊烟出戶遲故人方好在心跡任參差

小祥日舟中感賦

東西南北我何求
回首阡雲總百憂
新火淒涼三月改
小祥容易一年周
顯揚已負無窮望
卑賤終貽不肖羞
他日千鍾竟何益
子規楊柳滿江愁

偶成

新放芭蕉已過欄
疎櫺斜透綠纖纖
畏人自是生來癖

梅雨連旬不捲簾

喜雨十章壽廬陵劉侯定巖

丁亥之春旣三月不雨田龜坼不可耕爲壇者再史
巫紛若司是邦者咸大戚民獨曰無恐四月五日實
爲我邑侯壽民將躋堂稱兕觥進無疆之祝苟無雨
禮何以成侯之澤吾民也深矣民之欲效其忠勤於
侯也亦誠矣天民眎聽一也其必不使雨或愆期阻
吾民鼓舞之私也已而先壽期七日三月壬午果雨
癸未復雨於是塗歌巷舞稱壽者萬計錦衣繡屏連
軒雜沓紳士爲詩文者無算蓋所以壽侯者旣盛且

備余獨以爲民之信侯之篤而取必於天之果卽喜
雨一端亦足以彰侯之德之盛因製喜雨十章用以
爲侯壽以補諸人所未及顧猶慮侯遜讓以爲露深
雖勤其濡未足也夫澤之驟者易竟而漸者無窮少
陵詩云隨風潛入夜潤物細無聲非喜雨乎遂取爲
韻以道其意且以諗邦之人士傳其盛於弗替焉
枚值平章卜車將刺史隨稱靈原有覺爲瑞豈無私地
脈春先動天心衆早知陸機傳要覽留客任過期
三台明列宿百里被仁風政合時陽若官當未日中焦
勞惟我悉憂樂與民同最喜霑華宴恩膏沛大東

許典尊周制公應最六廉仙材還吏隱疆仕且郎潛只
慰禾頭長寧愁柳耳添壽民逢永日何必訪青黏
快哉三日霖紆此閭閻急命倌卽驅車勸農先荷笠放
懷雲漢詩塞耳崧高什雨或由相公

綸扉看三入

公幹許升堂士元宜別駕文起八代袞書讀十行下占
雲自紀年戴星常問夜絃歌入夏初時雨誰先化
榆莢閒飛濤春風足花信我公雨旣先爾私發宜駿天
與三時和地弘九里潤使君報績成玉聲笏可摺
申甫應期生晬盤先浴佛倒連海上波變化池中物煩

暑一以清好風再披拂試陳壽考詩斷句歌還不
洋洋河海流不擇百川細舊雨困泥塗高雲存末契風
開桃李榮水汎芙蓉麗澤豈一人私望公皆望歲
於焉開壽域紅燭夜添腴覓句詩拈杜徵歌頗采虞駐
顏承琬液舒掌得明珠試看檐花落還兼五色無
淅瀝餘飛壯連宵得意鳴風翻皆起色雷動是歡聲氣
湧千山暗光含四座清更應周海際霖雨遍蒼生

雨

官舍燈昏雨獨聽隨風密作夜冥冥簾前寂寞春俱老
枕上流連夢易醒草有鄉心從滴碎花將國色付飄零

閒愁總爲農家奪要看東家百里青

晚集同劉靜淵萬字兆限韻

火雲夕稍斂高天厚青銅下階避燭氣改席庭當中屋
角欲墮月檐牙徐來風月不辨圓缺風亦忘雌雄舉琰
互相勸情洽迹已融三爵油油如外慮暫得空牕光猶
耿耿蕉陰漸濛濛造物勞我生寸心百憂攻昏嫁事伊
始安得遊華崧任運聊信命世道從計隆志大笑畫虎
小復慙雕蟲百歲如風燈達哉東坡翁他鄉偶麋聚愛
此一尊同日月逝不居誰當剖樊籠

字兆蓮得二章謬以文事相推仍疊前韻奉答

學染不假丹人鑑常勝銅清言快屢發濁酒時一中素
心三五人相憐夔蛇風敦槃誰當執旌纛各已雄出處
混車笠少長忘修融夜深足良集壽熱喜一空唐舉從
笑蔡劉尹猶知濛茶熟得水戰燭跋餘火攻百川自起
海五嶽必主崧內焉旣已實外者乃益隆盧敖見若士
黃鵠嗟壤蟲西江有詩派靖節至涪翁苟能志古人夢
寐趣亦同一舉渺千里天機謝條籠

重午夜分不寐書懷一首

傷心千里節昨年重午酷踉蹌出泥塗到家日甫六搶
地臥庭階捧棺惟一哭哀哀生我親捨我一何速殮飯

不及奉奠酒空盈綠昌陽年詎引五絲命那續今歲又
端陽飄泊他鄉辱衣冠羅煒煌欲從還似縮去此復遲
遲任此徒碌碌想像家人禮薦新當誰屬布席有兄弟
埽室思僮僕新墳三尺土斜日荒山谷陰靈五尺幃風
淚耿殘燭平時念兒孫悲喜恒滿腹我客或我夢我歸
必我勗風雨百世謀日月雙轉轂如何遘鞠凶一往不
可復有窮百歲壽無益三年服屢改春夏火升沒新舊
穀夜壘長悠悠思之增慘毒終負義方訓不得逮親祿
生兒豚犬耳無異哀熒獨惟肖者何人九京肯瞑目星
漢夜縱橫徒倚虛廊曲鄰雞已三唱譙鼓聽四朴長歌

至明發中庭空有菽尙思北堂護凜凜風霜趣捧檄如
有期豈擇三釜粟庶幾夏日長毋若春暉速來者或可
俟逝者安可贖汎瀾餘涕淚聲斷不能續

得洪兒殤問

去年一紙書天崩大椿折今年得數行玉樹驚槎蘗更
無可斷腸難繼已枯血瞋目久迷惑填胸但哽咽天高
無消息事變不可詰來去雪鴻幻聚散風花瞥我生苦
流離南北東西轍力田荒南山上書休北闕生事逐浮
鷗乘車入鼠穴永痛老嚴親葉壞木先撥宛宛所嬌兒
復此懷中奪爲客苦生離那堪頻死別猶思昨歲歸汝

生才兩月傳看相抱持眉目歎疎微廣顙豐顙神清
眼如漆便非鸞鳳優猶當虎豹劣似汝足快人將相寄
書帙我家新居此羈旅困蓬華親故雖慰存緩急終秦
越庶幾有達者家聲得充詘誰云瑚璉器竟同蒲柳質
絲雲容易散直木乃先伐書來未分明知汝信何疾但
云重午日中虛得暴泄家人具藥石倉皇急攻熨求艾
灼臍肌燒湯進參朮信宿曾幾何去若流星沒童烏竟
不永草元豈足述哀哉汝何辜余躬天所罰遺行誠已
多蒼蒼重降割我年甫逾壯清霜閒華髮謝公哀樂傷
重耳艱難悉虛僑氣漸平兒女情稍熱每聞人言愁我

亦欲愁絕何況骨肉親非同灰與葛雖癡猶撫摩雖怒
不嗔喝盈盈水雪姿忍令爲異物汝生祖已逝相從一
何決夜臺能識否母乃驚唐哭顧余強視息偷生且存
活堂上老母衰鄰下繞兒姪兄弟雖有人支撐吾所必
奔波苦海中幽宮還閒濶身世如臨淵朽索雙蛇齧就
就還毒龍戀此蜂遺蜜人生於憂患久視何足悅曾聞
佛氏書幻化齊生滅儒者所不道恩愛瞬能忍終求數
畝田躬耕不復出仰事兼俯育冥心捐佩黻生死得因
依甘苦不相失室廬共省昧墳墓同埽拂相忘於江湖
不若濡以沫何時志願就躬爲子弟率

鳴鶴篇壽萬丈叡公先生

鳴鶴在陰子和之好爵十賚行當縻洪髀纖趾鳳翼何
參差云是蓬萊仙子冲霄之奇姿火精金氣元化所淋
漓其生大壽不可量豈必吐故納新區區喉領之所爲
取霞赤城露三危秋空霽曉橫孤吹清瑤明开矯矯出
塵表凜如清獻不足隨追逐浮丘驂安期青田九里歲
一至英英雙育神仙兒大爲希有小長離錦翻綺合六
翩齊紛玃縱橫玉箱窺

金墀北徙溟海南天池歸來飛舞奉玉卮千六百年今幾
時飢服元滋渴飲以玉卮天壤之間乃有此樂不可支

我媿孤雛答颯羽毛垂對此榮光佳氣徒徘徊金衣菊
裳進徵詞安得丹還九轉相與長遊嬉

七月望日感懷

薦楮荆南俗中元忽已臨夕陽遊子恨秋氣棘人心利
市誰乾沒名鳴久陸沉躊躇悲往日渺渺不容尋

九日友人招同出遊不赴賦得縱使登高只斷腸

茱萸亭憶故園頽千里悲風首獨回已恨望親難陟岵
可堪思子獨登臺蒨因善病囊先佩冠不中吹練欲灰
惆悵荷齋秋色老東歸情思日徘徊

飛騰節物髮摧頽客裏重陽第幾回久矣閒情輸栗里

悲哉秋氣感蘭臺
嬾拈故寶尋蒲魄
總把心形付槁灰
惟有詩豪餘習在
欲題糕字費徘徊

過章門晤劉怡亭出所得贈詩流觀率成一首

小別遽五旬月共天猶各風與水
違行失我行時約
晨趨灌嬰城登堂忻一握
開眉笑向我言有贈君作奇光
燭篋外未敢先煜爚
天吳恣顛倒火齊堆錯落
物聚於所好匪君難弋獲
叶縛循覽忘日暮
改席羅杯杓吾聞效
者拙不識由三爵
坐深燭昏黃星漢過
疏箔醉墨遂披猖
鴟鵂翻虵蚓縮稍紆
逆旅愁已忘行路惡
工拙吾豈知要用取君噓

冬日旅懷

芭蕉密雨響枯叢客夢初回四壁風乍覺新寒來凜凜
已驚殘臘去匆匆羈縻歲月他鄉熟流落雲山故井空
安得田園賦歸去三杯淺碧一罍紅

初度日書懷

時大祥前九日

吾聞鮮民生不如死之久熒熒子在疚雖生亦何有寒
餓驅出門邱墓莫能守混迹向官衙月俸分升斗怛然
感心喪惡爾嗟顏厚誰云汎汎鳧終媿累累狗造物豈
或私我生或稟受隱几長一編負郭無三畝未足問榮
枯何堪計天壽三十四年春飄若風中垢主人閱羈孤

殷勤命樽酒汗駭不能應逡巡出避走生憎阮籍悖敢
謝於陵嘔傷哉卑賤餘不自主身口知我或見哀不知
亦已詬風木有餘恨臯魚昔刎首中夜恒起立高堂有
慈母些窳聊偷生舖啜無所取火新食尙寒雨見鎖榆
柳何時當相從九京日已負

寄彭并老用虞道園寄元復初韻

離情百丈牽漁榜渴思三春夢酒缸心許青雲依北道
眼看紅雨過南窗黨同原不遺名地派別終當溯大江
安得論文來丙夜一燈雙照影幢幢

再用道園韻同萬字兆

共愛冥搜聯夜榻并忘小飲廢春缸
亂絲纏裹踊藏繭故紙鑽尋蜂
樸窗門仞半山留汝水淵源雙井闢
西江兩州遺老凋零甚誰與騷壇樹
碧幢

講字韻窄吾友傳聖涯屢用之偶與
萬字兆縱譚按字

次之各成三首

北師廣武城南戰甘棠港文章有割據
筆墨幾劉項西江故強對堅利纔堪棒
猶恥壇上刼肯爲城下講且令鬪羆虎
直欲收鷸蚌中興各努力嘉種施耘耔
構豎義逾置楫取材比投訴一戰築王宮
踐土葵丘珎

新安大比魚夜飛不踰港宴頌屢暴頤
妖夢虛留項大

丹悵孤進枯禪近八棒敢疑有司明庶資朋友講昨來
月已虧珠成當剖蚌藝圃聊再鉏識田還一耕終焉挾
書冊安得趨錢舫荆山三獻無玉應有珎

鯤鵬六月池風雷三日港神物有變化誰能困槁項披
霄扣閭闔抉漢排檜棒道以三公論德由四子講

熙朝萃眾賢珠不遺珣蚌吾子美材質旣種加以耕縱橫
對

彤廷區區薄甌舫珎璋看特達何當系以珎

穆堂初稿卷之六

臨川李紱巨來

公車草

上監臨鄉試巡撫郎公

清淑含元化乾坤轉大鈞

熙朝當景運

聖主得賢臣江國咽喉寄天家肺腑親危旌金縹緲峻節玉
嶙峋伯仲看伊呂蕃宣屬甫申菁莪同化育桃李盡清
新千里湖山濶三時吐握頻恭惟名德重猶惜菲材淪
璞玉荆山石枯桐爨下薪采風加異等化雨及同仁物

色今三載雄飛果一人自疑占負乘從此敢扶輪賀帝
慙張說稱仙賴季真溯源誠有自投璧豈無因國四維
方振鄉三物屢賓貴猶期後命業豈問兼辰望氣寧知
異希川擬效珍丹霄容附羽青海竊攀鱗元老九方識
清時四岳詢

飛龍方在上尺蠖自求伸願托天河水飛騰雲漢津

偕彭夏庚同年之廬陵應劉明府招

並買張憑棹來聽子賤琴倦鴻纔奮翼飛鳥忽遺音
水暑雙懸榻天涯屢判襟螺川逢歲晚煙水去何深
古劍行過豐城作

豐城古劍地中伏寶氣燭天恒燭煜南極傾搖星宿寒
巨闕魚腸皆碌碌傳聞勾吳初鑄時雷公鼓橐六丁馳
山枯谿涸出靈秀銅英鐵蘂無遺私劍氣名與人俱往
歐冶風胡各惆悵利吹毫毛堅刺鐘水斷蛟龍陸犀象
神威所向真無敵登城一揮萬軍白豈知幽異闕踪影
淪落千年土花碧一朝吐耀挾浮雲炯如衆星羅秋旻
捉攜雖藉張司徒掇拾初蒙雷使君擾擾靈頑非一質
今日鉛刀敢唐突十年鏘濯不足材赤土華陰新拭拂
試持一割尙能堪變化何當逐神物

留贈同年徐古皇

短日長途役未休相逢相款得南州風濤意氣多逾壯
冰雪心情夜轉幽紫陌青雲誰感慨畫屏銀燭共綢繆
計偕偶約金臺路尙有名山業共求

沙井

北船南馬太愁生攬轡沙隄試一行莫怪如縈迴策好
王家癡叔未知名

樂化舖次壁間韻

東風花鏡占芙蓉計上春官孰與同紫褐穿林斜映日
青羸驀澗疾生風縋珠龍穴聊遭睡待兔株根恐未工
第一程休多感慨長安佳氣正蔥蔥

驛南舖不寐

草舍摧頽夜戒更旅人問夜未天明沉沉河鼓聞初上
宛宛參旗看已橫短堞一空雞絕唱敗槽百齧馬無聲
十年夢想公車路支枕連宵白髮生

重過東林寺疊前韻

風雪前遊一紀更曄潺如畫記分明飛泉挂壁龍蛇出
亂石蹲溪虎豹橫開口幾時橋畔笑攢眉當日寺鐘聲
偶將心跡羸車溷慧業依然襍被生

宿通遠驛再疊前韻

躡屨擔簦少所更征車初看夕陽明居人雞犬林端出

過客弓刀馬上橫行李推排塵土色當壚傾瀉濁醪聲
停杯更補牆間句未怪人憎太俗生

圓明寺僧出巡撫郎公廬山詩見示因次其韻

漱玉亭觀瀑布

凌空飛古雪破險出晴雷一道光相逼千山勢併來全
功開岳麓餘潤灑莓苔絕嶺驚奇勝彭湖渺一杯

歸宗寺

濂溪未必擬雷宗寺接蓮華第幾峰應愛絕奇三峽路
蒼涼寒月照青松

飛泉滿屋墮如飾淡嚼鹽齏好詠詩惆悵開山王逸少

秋空鴈字正差池

秀峯寺恭懸

賜額

清秋千騎擁弭節儼高林嶽色風雲出

天威日月臨

賜名傳盛事馳翰足清吟從此東南秀諸峯仰碧岑

夜坐東軒聽雨二首

巖壑籠秋雨清風早戒寒隨車沾小隊飛幔到危闌坐
覺燈花重猶思木葉乾深山皆雨露萬里憶長安

廬山江國望將

命屬高秋雲葉翻清影霓旌戒小休樹低千谷合煙動萬峰
浮肯效荆南帥戎車雨出遊

潯陽江晚眺三疊驛南鋪韻

官驛鳴鉦乍報更汀沙如雪蕩虛明百城燈火星芒動
萬疊煙潮海氣橫歲久郡官無去意

時九江知府任二十年矣

月明

商舶有歌聲同遊都爲青衫出

舉人例服青袍

莫聽琵琶感慨

生

夏庚同年偶得江空夜氣生句思久不屬歲足成之

江空秋氣生樹老秋山盡明月耿素心微霜驚旅髮

鄒縣除夕用元遺山灑亭韻

今夕竟何夕茲焉聊稅駕大地遽廬耳一宿果誰借悠
悠感歲窮寂寂哀人化敢效邯鄲步豈異淮陰跨所念
倚閭親日薄崦嵫下羈棲遠遊子幾歲當休暇三遷日
已負一鳴未足詫更深歲火微獨擁爐灰盡

人日東阿道中用山谷快閣韻

時平節候重陰少便到新年日日晴山氣正枯清露薄
海光遙射紫霞明民生未覺膠泉竭官望曾知鼎鑊橫
笑我利名真底用故園松菊負參盟

正月十六夜郎額駙梅菴邸第燕集次壁間韻

曾傳龍劍合雌雄畫閣容分地數弓客座酒杯浮滿月

天街燈火吐長虹我隨計吏來紅土君備鉤陳近

紫宮竊附風流齊大曆李端榮藉已無窮

連宵別館許從容酒聖相歡得屢中家並金張名最重
門因孔李刺能通追陪疊絹傳柑日判斷吹花擘柳風
飛蓋不知公讌久西園竟夕甕相同

梅菴以詩投贈次韻奉答

珠簾繡柱日遲遲公子聲華擅一時身是書生仍授射
官非水部更能詩

九重天近紅雲色十二樓高白玉墀不是通門客
息駕蓬萊清閨幾誰知

次梅堯待漏感懷韻

宮槐萬雅起千官
理朝衣平明玉漏靜
氣色何微罪
天家重世臣
中外備藩籬
况乃肺腑親

恩遇疇敢非
夙夜敬在公
出入無離違
西京紀外戚
裘馬徒
遨嬉

聖朝越千古
策力羣得宜
鄙人長丘樊
淵源託吾師
看君委
佩出騎馬
獨羈棲

春雪詞和梅堯

極北東風遲春來
未覺暖侵晨
萬玉妃鸞鶴
空中滿
何人熱中朝
飲冰要向長安冷處行
信知短褐真長策

夕花飛萬堯明

夢遊桃源爲友人賦用昌黎桃源圖韻

東風吹日春蒼茫四海熙熙如虞唐蓬山萬里夢不到
來趨金臺窺玉堂班生未是登仙者刺促輪蹄塵土下
玉堂天上誰貢之欲自薦恐拙言辭豈知紫府有散吏
游於斯夢亦於斯溪山廻複藏千室閱盡秦年經漢日
雲中雞犬自長閒世外干戈誰復恤眼昏氣暖惟桃花
千巖萬壑皆紅霞不道居人曾去國坐令來者還忘家
武陵片地今何所遠遼始信莊生語有無真幻都冥冥
耳目心魂誰得主推枕寒燈青尙然一覺依稀隔歲年

清靈秘境偶一造要客作詩相流傳
恹恹人忘寢饋驟聞此語嗟奇異
紙窗如雪夜虛明月照繩牀不成寐
南來羣雁天邊鳴鴈聲啞啞客中驚
十年襖被京華夢一夕思家湖海情
白鷗浩蕩試迴顧紅雨薨薨春早暮
若到仙源訪眾真座中先覓漁丈人

禮部榜放却寄郎北軒先生

南宮猶鎖闥貢士且淹恤親知亦皇皇
千里盼傳驛朝來忽誼呼車馬駭超軼
粉署揭姓名一紙三百溢里巷相告報
童豎爭詰述友人呼我起君名不應貴
李程雖在裏孫山乃幾黜憶昨讀君文
公卿歎第一馳騁富才

調謹嚴高格律扶搖萬里風睥睨五色日毋乃齊門竿
不鼓湘靈瑟先生且休矣此理吾頗悉遇合有鬼神文
章本藝術解衣磅礴羸豈若累史筆取足備數日烏用
程甲乙物我苟齊觀此得彼有失方謝主司明敢疑同
藝嫉學殖况久落累絲不成匹窮年掇拾餘腹蟹供瑣
蚌回頰待餘甘固已輸崖蜜歐九既不學宋玉又坦率
春風夏雨間早信吾窮必幸自愛泓穎年來辦圭筆歡
場三萬六食鯁二十七方將老是鄉棲遲足衡泌偶然
當舉首便欲窺華密人苦不自知忿慾須慾室臣斯未
能工咎不在臣質續貂誠可鄙聊此志願畢南望父母

邦天涯同接邾何以報知我徬徨久汗栗趙壹許登堂
戴崇還入室朽株誤前拂文采施髹漆誰謂豫章材終
化踰淮橘古來崇明德餘力寄縹帙在朝者鳳集在野
者龍逸庶幾絕跡行猶堪脫穎出修名恐蹉跎義馭無
停蹕章江別幾朔明當月初吉風花何茫茫馬蹄不敢
疾

賦得風輕花自落和郎梅萼

柔絲十丈裊春深片片俱飛意不禁敢望吹噓無限力
空餘宛轉十分心踏殘遠道從斑馬拾向東流仗水禽
自是微生根蒂薄看成閒夢未須尋

壽許時菴先生

雲紀日華

帝昌期嚴廊離立皆臯夔先生奮海東海涓以身壽國民保
釐元氣胚胎邦家基早歲天馬脫羈鞵探墳抉典摛三
儀五經無雙家所治神雀之賦何瓊奇爛如五彩初彰
施於儒露沐風相繩斯文臭味誰差池遂窺中秘趨
彤墀搖毫擲簡無留思蓬山橐筆長追隨和鸞玲瓏蓋琴
麗世方右文須主持水壺玉衡臣執斯西濯錦江光陸
離寶玉罄采珠無遺南浮江淮擁臯北方勁有禮真人
師旣登南省掌六藝

詔賜筆札給隄廩四海駿豪同指麾汝南月旦無參差爲此
而黃牡而驪薦賢寧受百人欺直河東汎帝疇咨曰汝
明聽汝翼爲從事獨賢非班賚充國留屯須便宜黃鵠
不歌陂壤誰命庚辰制無支祁狂瀾頽波得在楮沉災
澹灑無玷危功成來歸爵賞賕香熏臣衣傾度支掌邦
教張國四維蒼生憂樂察其眉

皇帝清問天聽卑魏公得失能參裨海隅日出登雍熙

朝延有道物不疵四靈爲畜可係縻烏雀巢低從俯窺保
合太和相息滋對時育物無枉虧大臣平格天壽之公
年與德咸古稀方踰耄耄躋期頤紫微遙寄元光芝惟

學在人傾一時門巷喧闐羣致詞諸生逡巡奉玉卮先
生一笑樂不疲晚登公堂闢道遲區區章句聊繪絺繆
冰費日功畫脂仰窺高深無端晚游夏莫能贊一辭博
觀其外叅然疑桂林森秀玉一枝保世滋大弓學箕既
勤垣墉塗墍茨源遠流長非故私傳經繼相聞前規公
行升矣持鼎司春陽萬里浩無涯何以祝公福祿脆

題杜鵬畫扇

四川回望雲千里孤立寒枝不肯飛祗怪爾身生羽翼
向人空訴不如歸

朦朧樹色昏黃月長喚江南二月春併與

清時作祥瑞止容圖寫過天津

咏物四首次北軒先生

玉蘭

積雪烘林曉日晴玉龍飛聳角牙擎亂排冰箸層層裂
碎剪瓊枝寸寸清香是素王誰得伍名因芳友或稱兄
歲寒心事東風力併作瑤臺萬里情

迎春何許放新晴冰雪蕭森一樹擎碧玉釵橫朝露冷
飛瓊珮結曉風清雲階月地空惆悵瑤草琪花總弟兄
聞道滿庭叅玉筍瓣香南望不勝情

海棠

惜騰睡思殢新晴
嫋嫋東風掌上擎
已借華燈燒別院
更含朝日擁西清
有香署國誰當主
絕艷傾城不待兄
珍重標梅終未字
詩人黎舉太多情

照庭火齊雨如晴
華屋金盤貴自擎
酒暈未消雙靨重
春工欲破午風清
高齋靜對真吾友
禁苑繁葩孰汝兄
豈爲少陵補詩逸
也知尤物最移情

擬遠別離爲梁烈女賦

遠別離瀟湘洞庭傳古辭
沈珠投璧發哀怨
驚波一去無還期
當時三葉恣狂阻
風塵瀕洞覆南土
魚欲爲龍兮
鼠欲爲虎
戈船嵯峨驅士女
貞心勁氣誰鬱怒
海水

直下萬里深前有英皇後羅王羅王姓梁始字李同時
被驅有伯母求死不得淚如雨奮身一擲海波裂崖山
東傾日西出望父母兮生離謝伯母兮死別川靈海若
護芳潔剪鯨鯢兮逐魚鯨波心求之日逾七峇色如生
信奇絕崖門相望雲陰陰大忠祠樹風蕭森怒潮悲咽
無古今

送雷沂公令巴東

攜子豐城劍從西割小鮮奇文三獻後

沂公癸未中式廷對卷被敷

利器發硎先礪被催行李空樽惜別筵里門懷綬過書
繡幾人傳

縣立歸巫舊民參蠻蜒中踏蹄喧社鼓叫嘯傍秋風簿
領心多暇絃歌道未窮前賢有芳軌社稷望萊公

穆堂初稿卷之七

臨川李紱巨來

瀛洲亭草一

己丑四月十一日

澹寧居引見

卿雲糾縵日華明御柳陰中別衆英

聖德階崇三級古

天威堂肅九重清夔龍步武飛騰接班馬功名記汪榮却憶

西江瞻北極昨年張霸本孤生

十五日

起居注館宣

旨改授庶吉士恭紀

雙闕崔嵬日月尊早傳

天語出重門從容冠佩暄風細渙汗絲綸曉氣溫周法庶常
原勸相漢廷經義要探論尋思黼藻休明事獨有文章
報

國恩

詠雪和座主安溪先生原韻

天公幻玉戲瓊瑰不得珍搖崑倒滄渤耳目豁以新
膺過午夜飄揚浹清晨何來浩劫風吹落瀛洲塵吾聞

志氣感大塊齊一身廟堂存化理鶴擎仙人太和鼓
橐籥際山陬海濱元冥得其序滕六相與神蕭蕭佩山
玉爛爛騰燭銀煦嫗育萬物亨乃先以屯田祖粲一笑
豐穰來歲因妍唱倘許接同雲慶斯民

再登前韻得今體二首

答催寒候律川效

聖時珍領裏清華接甄陶舊染新嚴威廻大漠冷艷逼蕭晨
碎眉山雲縷飛揚海水塵都融精白意不懈歲寒身復
已含羣動來思念憚人元珠留夜景浮磬肆陰濱明並
三辰照功知六出神占祥虹化玉徵瑞壘呈銀霖雨誠

先結恩膏歲未屯德純原不滓積厚况相因
竚看修和奏思文粒我民

磊落天球重窺堂擬席珍高風存凜烈浩氣發清新
力取微陽闕光開大暮辰林泉猶素履京雒絕緇塵
僵海廻波藝封山壯嶽身方圓雖任物絢爛肯驚人
奇聞鴻濛境寒依寂寞濱應期符誕降隨化信通神
自許連城壁誰誇布地銀細繻時則可閑蟄道寧屯
雲子從仙服天花散水因陰陽須變理功或在烝民

送朱可亭前輩督學陝西

紫陽傳世學

皇路及休明宿列郎官位星瞻使者行河流蟠地軸華嶽
軋霄崢突元廻澗力澄清攬轡情心知依

北闕文欲起西京玉尺平持準金鐘大扣鳴咸靖風最古
鄉曲貢須英教澤留秦壤師承屬戴彭崆峒開七聖寒
谷啟孤生文羽丹山鳳修鱗碧海鯨賓將三物重士取
一軍驚大雅歸馮翼斯文得主盟雲霞終古色永葉向
來聲西顧天應近東歸日向榮人倫逢藻鑑

帝命作和羹暫載千旌出羣瞻弩矢迎得賢培
國脈坐使泰階平

瑒玉齋文譙用若在遠行登山臨水送將歸爲韻分得

在字

長安車馬古煩殆觸熱何人驅襪襪種愁欲長千丈髮
說事那饒三尺喙上澤魚鳥心樂之一行作吏此事廢
匠門先生獨磊落平生溫飽志不在招邀英彥狎文譙
百川趨海山王岱披霄挾漢探星斗搖曳影纓出鏘珮
我嘗小扣公不惜鼓人和鼓須金鉞昨隨計吏上春官
偶逐英雄當大對承

恩遂人銀臺門前望青蓮敢追配應奉館職有拘束習學
國書胥教誨漫吹劍首聊一喚試聽馬蹄已三昧阮裕生
無仕宦情嚴光我有狂奴態雖三北參壇圻風采二

南繼鄘邶賓主東南聚吳越少長參差畧年輩梨花酒
甕才撲土穀雨茶槍新脫焙厨人咄嗟具雞黍稚子逡
巡益鮭菜肴核旣盡尊不空坐皆同志無乖闕客吹洞
簫和者誰我聞清歌意可耐竹肉依微忽合一其上如
抗下如隊飄零故觀感行迹哀怨西樓損眉黛就中况
有遠行人更登陽關發悲慨悠揚靜覺天無雲閔默都
忘日嚮晦對之隱几欲遺世聽者隔簾疑絕代夜舒紫
蓮情未已閨厄黃楊學苦退飛馳曼衍信恢俛絢耀俳
偶猶瑣碎檢點詩逋久未償一之爲甚其可再今我不
樂徒悠悠後世誰當思憤憤五千餘里親知遠若在

虛聞警欬已許千秋托性情何妨三宿生恩愛須臾車
馬悵分散看著接離歸倒載迂生死轉有餘戀西山晚
碧猶掩曖

射雉爲郎梅堇賦

草淺霜枯獵事宜平原野雉出無時總教鄴下風流在
豈直如臯宴笑爲天上九重終譽命馬前五色已離披
隴西射學今荒落漫續昌黎帶箭詩

寄壽唐縣李令

我李中州萬葉繁嵩高嶽色尙能扳盧前王後名何忝
趙北燕南治頗艱

畿縣地當天尺五太微郎列位中間無因却奉當塗酒初
入銀臺最後班

送友人南歸

燕臺良聚倏分携共惜春歸惹夢思並坐翠禽誰喚起
當階紅葉是將離青衫暫與閨人艷黃甲能同賤子卑
他日重來須獨步龍川大業未應遲

送彭并老同年還江西

公車雪滿春前路故國霜明靜夜思似水流光催

帝宇如雲健翮困天池並驅曾有中原約一映爭同劍首
吹便是江南好風景與君踪跡未應岐

對雨限韻同萬字兆郎梅菴

溽暑曾稽禮滂沱戰詠詩蛇馳驚礮礮龍攪閃之而庚
數金當伏陰疑火或欺虞淵迴赤帝巫嶺降瑤姬濕軫
遲難御織絺薄忍辭漫窺蒼昊意多錫媪神釐

國喜三秋望農歡一歲菑客輿從委頓吟琯暫娛嬉窗霧
蒙虛白池風捲碧漪滯裏相共遣清興不妨癡梧几冥
冥據匏尊欸欸持

帝京紀風物垂示到來茲

再疊前韻

十日愁霖唱商音託小詩池光翻綠雨庭翠儼漣而暮

色燈交暗秋風扇早欺艱難憂道路焦萃損姜姬競日
違常度欽天屬正辭璿璣官占蔽保介爾成釐漸恐妨
觀銓微聞罷餉苗阻行三市寂荒業四民嬉積溜無停
響虛霞有斷漪空倉喧雀急壞瓦立烏癡小大天同漏
陰陽氣互持杞憂誠過計作訟告今茲

庚寅元旦早

朝馬上口號五首次梅莽韻

報漏起聽雞應子衝寒行憶酒傳生御河走馬宮槐暗
佳氣遙連

左掖平

法駕早傳堂子祭

九重精意爲蒼生頗聞祝史無私禱歲得三登卽太平

唐制北門非散秩漢崇東觀本鴻生祇爭行綴前頭貴
鴛鴦參差半未平

朝鮮內屬來王久肯怪衣冠太俗生紗帽版袍春入貢
海隅日出最昇平

天街舊雪瓊瑤碎城角朝陽火齊生更近闕門高處望
五花千騎曉雲平

題程主事汶上賑荒圖

入宅發官粟當年明山賓亦有程沼水平糴紓鄉人君

非充長客汝非君比鄰蜀山盼黃海風猶馬牛倫一朝
應

清問馳驅濟水濱振廩起溝瘠小貞膏勿屯前籌分國計後
命慰慈親善風迴慘氣花木敷華春昨聞江南北哀鴻
猶悲呻

九重方側席此舉誰重陳披圖一太息含毫爲逡巡汝水無
時竭君名當不湮

栢梁體一百韻寄壽郎北軒先生

仲呂初吹月正陽棟花榆莢羅紅芳煙霏雲爛日華光
篤生申甫扶巖廊嶽維間氣時維良繫昔左海龍飛翔

陪京王氣殊滂洋比閭尹吉門金張印何疊疊佩鏘鏘公
生其間尤顯印追琢其章金玉相鳳凰希有麟歸昌祥
徵瑞應誰頡頏早持雨露灑遐荒風煙六詔煩胥匡搖
山約海來江鄉國用什一民無傷金楊伯起珠孟嘗清
風稜稜冰雪腸蓬萊雲海接混茫天吳帖耳波不揚振
鷺初飛垂笏梁

九重眷顧萬夫望東南佳麗地維杭湖光山色相聊浪行中
書省彰厥常以行爲表言爲坊五緯正色曳寒芒是時
天子來巡方九服震動趨賓將和鸞央央條革鷁側身西望
久徬徨有水彭蠡山曰匡物稀土瘠誠厖涼誰其撫之

綏黔蒼

帝曰惟汝公拜颺單車詣部來堂堂羽旌玉節牙爲璋郇
召雨蘇苞稂正已率屬無豪強公恩如春化日長公威
如秋朝飛霜安農井畝儒膠庠於九疇道持其綱久用
三德先平康五事不愆時雨暘桔槔野盈牛谷量捐棄
接摺虛桁楊絃歌載塗聲琅琅桑麻雨暗花風香念非
公誰德可當政成心暇還相伴鈴閣晝靜金琅璫間設
酒醴陳笙簧黃鍾大呂宣宮商詞抽皇墳窮雅倉滕王
閣子新楹檣搖毫擲簡追三王公如千頃波汪汪陶鑄
羣英猶秕糠孰牡而驪化而黃簫韶九成機七襄蹇余

早歲耽縹緲廿年潦倒隨名場
窺公藩籬邁繡裳博觀
其外徒回惶許與意氣心激昂
起逐駕鴻參

朝行長安蠹蠹粟一囊慰我止
我貽稻梁陸公舊事傳荒
莊薰風吹面行未遑屏風九疊

天子障安得奮飛置公旁手持
北斗酌天漿泛三危露九醞
觴陳詩祝公壽而臧吾聞積善
家餘慶大臣平格天所
祥地望雖崇春秋剛蘭繞階除
芝茁房珊瑚叢生玉旁
唐傳家素業猶青箱一經殊勝
橐中裝旣崇戚畹連

天潢

紫宮入衛垂珩璜亦有博士工
文章連翩翰墨爭騰驤時

清顧俊正皇皇如梧桐生于高岡朱輪盈門笏盈牀鳴
珂列戟同焜煌蓼彼蕭斯零露瀼瀼猗與壽豈良不忘先
生一笑樂未央維山峩峩水湯湯碧海塵飛生紅桑公
乎勲德終無疆

伏雨集安溪座主邸第

驚浪回豪覽微零放異芬明威猶震電澄霽乍飄氛砌
凝疎還作庭高斷可聞師門足賓謙暇許賜華醺

項節母詩

黃山三十六煙霞鬱摧藏練灘三百六激激含珠光清
淑萃母節磅礴氣所當結髮事夫子六載俄分翔流離

丁禍患百折氣彌剛下以鞠嗣子上以奉尊章慘毒備
一身山川爲回程

聖朝淑慝別

下詔相褒揚蛟龍環緯楔切雲起危坊苦節一朝顯赫赫傳
井疆諸孫我舊識太息陳短章風義附中壘山高溪水
長

挽王丈

鍾山下築招隱館次宗聚講春秋傳更有華陽舊隱居
讀書萬卷輕南面長江無情日夜東茫茫人代風流變
太平時節高隱稀先朝耆舊零如散龍門之後有達者

獨抱殘經苦研練荒江老屋久提唱一編自貴簞金賤
秦淮隄上昔經過鹿門恨失龐公見昨隨計吏趨京華
文孫共捷南宮戰便擬驅車出白下一叩通門窺著撰
翰蹄刺促行未能少微星落天南畔桂旗縹緲蚪鸞飛
蕙帳蕭條猿鶴怨遺書終夜發光芒貫日晴虹衝斗分
從來至寶天所愛猶恐六丁策雷雷護持好待所忠求
范橋猶泣當時硯嗟公道存身不亡丹鉛黯黹都堪戀
想見西州萬木彫霜楓如血紅應遍

安溪座主舉子彌月門生置酒爲壽卽席有賦

國已鴻猷展家仍積慶符許身持寶鼎舒掌得明珠渥水

皆龍子丹山總鳳雛半圭垂左佩列曜動中樞騰踏知
空濶飛鳴定卽都大賢康節願小友曲江呼尹陟商中
葉韋平漢舊儒其間原必有幾月辨之無日麗黃金席
冰清碧玉符瑞圖徵白澤奇氣凜於菟百萬柯條被三
千几杖俱犀錢霑四座紫霧滿庭隅

七夕同劉大山嚴西武朱師晦黃際飛張趾肇徐壇長
黎寧先蔡聞之族兄牟山侍安溪座主怡園小集用
朱子卜居原韻

火雲猶帶夏朔氣已爭秋時平

朝事簡言尋林壑幽夫子當綸扉四岳倚咨疇氣大物畢

浮如運觴深舟化理既翔洽文史聊追求二七况靈夕
一尊良可謀琮琤玉九折霽靄雲千頭水木旣明瑟跌
宕亦風流誰當吟風歸庶幾舞雩遊人間與天上佳會
忘煩憂道義得因依要用覲前修大隱信朝市負薪徒
披裘

安溪座主招同劉大山嚴西武戴田有黃際飛秦維生
徐壇長張趾肇朱師晦繆湘芷儲中子黎寧先蔡聞
之族兄牟山陶然亭望秋限韻

夫子尋秋至陶然得此亭參差隨几杖高下俯榛苓樹
古寒逾勁蟬多靜可聽渚煙低宛宛山氣遠冥冥鴻雁

哀于野麋鳳喜在垆清娛依日轂良聚慊風萍亭毒三
時正吹噓百卉青祥金從大冶滄海接修翎隙影過誠
駛空雲望欲停詩當追二雅酒用佐三經講德知何極
論文合爾馨西南雄睥睨誰作四隅銘

陶丈七十

柴桑幾輩孫豹變其文蔚高步冠西江一日聲名沸余
豈能代興偶然同臭味昨者南宮役拔茅以其彙登堂
溯淵源何紹復何衣木假有中峯錦繡陳經緯萬卷華
陽君錯落皆珠璣挹彼而注茲乃可以濯漑譬彼勤垣
墉惟其茨塗墜誰當惜杖國猶能誇釣渭通門多館閣

上壽羅新貴盛事難可逢傳譁遍侯尉余亦有慈親欲
歸歸苦未對此徒飛揚萬馬騰朝氣先生真天人旁觀
熱心胃大斗應不辭一舉飲當旣

郎梅菴至自雄縣是日爲梅菴誕辰卽席拈酒字成古

體一章

歲星在寅斗指卯溫風輒雨春分後君行一日二百里
尺半春泥足馳驟崧生嶽降值佳辰迎君長揖爲君壽
丈夫相許一握手與君况復周旋久傾心吐膈誓相結
頗詭大鵬遇希有造物生才具深意肯逐年華日孤負
馬齒余慙一紀多依依惆悵金城柳偶然入直承明廬

自署頭銜牛馬走文章於道殊眇爾未愛千金輕敝帚
况君逸足更超絕指揮談笑空曹偶新礪初發芒未頓
恢恢有間入無厚六時慨恍發浩歌再歲沉冥托醇酒
誰因顧曲議周郎却將泥飲疑犀首方今

天子勤時巡要逐禽左役戎右便當披霄抉銀漢風霆破壁
蛟龍吼相章侯印本尋常飛騰直取黃金鈕青雲徑路
自致身黃閣功名誰讓某始信鳳凰有羽毛須使麒麟
在郊藪一杯相勸不復言他日期君

送王直

寧靜齋重餞

歸心分作離絃箭逼耳清歌且一聽老癖逢人難茗芋
小叢相見最娉婷愁腸醉後猶能熱倦眼燈前忽放青
肯把歡情便消滅微霜著髮已星星

餞席口占

絃索催何急離筵客思驚碧桃唯一色絳樹有雙聲清
漏無時下樺燈分外明童心吾人謝感慨正橫生

陶存軒同年送親南還詩以贈之

羈宦俱千里浮蹤媿五同

予與存軒同里同以五經元鄉薦同年成進士同史館習

國書故用香山寄微之語

多君能愛日去我值秋風朔氣臨邊早河

聲到聞雄歸舟仗忠信問寢想青篷

秘閣中天近文章末習輕遊寧因俗熱歸偶爲親榮仙
酒經時熟宮袍五色明亦知家慶好處直在蓬瀛

壽王公符先生四十韻

中州風雨稱和會日月崧高半蔽虧早爲扶輿聚清淑
故教名世應昌期詩陳鳳集宜馮翼象在鴻漸可羽儀
闕闕門庭皆棨戟鈞天韶濩屬塤篪逸情早歲驚雲上
譽處當年賦露斯元化四時天變理大文五采帝彰施
自採縹碧窺金冊旋擁青朱近玉墀一路夔龍同色笑
九重鵷鷺盡肩隨天工小試分臺省人望多推挈鼎司鳩正
心勞民怙冒龍門道峻國綱維地稱吳會疲供億

帝曰東郊汝保釐夜月海虞千戶靜春風闐闐萬花披恩敷
下土思何極法北南山判可移請業士多江左逸銜杯
人指洛中耆

鑿迎再駕頻前席服賜三公許露帷獬豸繡衣原峻肅羔
羊退食更委蛇

帝心先定從朴卜民口方騰載道碑已分許身當弼亮忽緣
執掌憶棲遲萬鍾登戒矛頭浙一映真輕劍首吹絲竹
謝安方倚望角巾羊肸又歸鷗傳家鼎在題三命背郭
堂成榜五知陶處士栽彭澤柳公儀子拔故園葵款門
應得新茶社洗硯猶尋舊墨池腰玉乍輕惟道重饒金

雖少有經遺三峰蘇氏真無忝七業殷門盡可師餘潤
遠流彭蠡滙不材懸負桂林枝竊依泗水私聞異敢比
成都輒問奇黃雪糝庭槐放候紅雲蓋水藕成時未須
禹穴探金策可用商山覓紫芝懷德人應知望洛采風
客已賦瞻淇黃光三尺真仙氣黛色千尋古栢姿珠腹
競陳銀鑒落羽衣齊奏玉參差休風日永嘉祥集盛德
天教福履綏處士曲雖招有鶴帝心夢或占非鼎封章
奕奕馳三

錫勳業戔戔勒六彝壽

國他年幾几杖傳家幾輩守弓箕才憊鄉下叨陪對地近

梁園敢騁詞詩賦九如維保定禮稱百歲日期願憑將
耆舊千秋日更作邦家萬壽基長句不須辭汗漫年年
留佐紫霞巵

送睢州座主省覲旋里

冠蓋童童列九衢白雲南望肯踟躕信知
北闕恩光近猶恐高堂鬢髮殊絳帳曉從

京國動錦衣豈向故園趨

九重霖雨思耆舊看侍親輿入

帝都

杏陽才過接清和桃汎初平戒渡河夜色寢門須委佩

春風曲巷好鳴珂相看一往歸心折豈識千名別理多
亦有西江天際夢步趨終媿絕塵何

中丞郎公五十初度時方移節兩江制府卽用公贈長
洲座右原韻爲壽

崧高尊五嶽溟渤滙千江

帝命兼開府天心屬爽邦節旄移地擁金鼓應時擬度越諸
侯百方連兩制雙外臺眞獨坐台鼎更誰扛元氣含鍾
律希聲和楊槐陪驂猶楚望騎吹有吳腔按部朝垂轡
勤民夜秉釭斗杓迴仲呂虹首貫晴牕繡服南疆指黃
鐘東序撞圭鼈分秬鬯鑿錫鏤珉缸壽信天平格勲看

日駸龐蟠桃千歲實華蓋九星杠分岳當雄鄣中流砥
怒瀧鴻聲周婦孺深澤到槎椿公望原知慊私心豈獨
降宮牆思仡仡

朝鼓踟逢逢自哂雌辰庾猶驚大戊麗普噓枯作苑薄采
非猶莊遙盼鍾山席難求渭水艘兕觥知雜褻頌禱想
琤淙身繫承明直誠將折慢幢顧深三載歎報淺六時
雙惟待和羹入春尊侍玉缸

送同年閻泗山假旋虞城

連陰初歇欲晴時燕草萋萋悵碧絲豈爲秋風驚木葉

西堂玉樹憶連枝

泗山以令弟抱病爲請急之舉

和堂初集 卷之七
官貴文雄兩未然高常侍許歷前賢孟諸斜日停驂處
應爲漁樵一舉鞭

出世星精世眼輕五雲天上護蓬瀛君行短刺從漫滅
莫與塵凡報姓名

十志班書共石渠晨星落落賦離居空桐亭下春流急
爲爾雲中掃直廬

送王座主歸睢州

帝京秋氣高涼風日以厲羈孤仗友生惜別賦紛至夫子
起中州六寓一俯視昔忝豫章遊提衡授多士小子謬
遭逢片玉崑山貴因緣遂通籍蠶蠶隨丹地步趨良獨

難三年別已二一官等雞肋萬化真蟲臂望望睢園竹
微疴托遊戲桑梓懷二人桃李樂羣季鳳凰千仞姿腐
鼠豈足味祗恐

詔書促車馬丘園賁赤松如許遊黃石猶能事幾時宴西園
飛蓋從公醉

送胡僉事之肅州

論帥西方意未輕何人緩帶向邊城平生漫說酒泉郡
今日相看擁傳行地險已通唐五口鄉賢還訪漢三明
共知烽邏

清時簡應問靈芝幾處生

九日次陶靖節九日閒居韻同鄧乃夢

大化日馳鶩造物勞我生節候屢流轉惡知重九名我
家西江側達者聞淵明超然遺物累凜凜揚清聲酒豈
能忘憂菊亦難引齡孤意足千載不隨時代傾微官一
雞肋栖栖塵世榮俛仰謝君子空餘懷古情吾廬洵可
愛三徑行當成

再次已酉九日韻

帝京有窮巷廼車息漫交籬邊菊未植徒此蕭艾凋抗懷
羲皇上古人一何高微生羽毛弱矯首向雲霄誰爲餓
所驅日有造請勞莼酒念高堂惓惓中懷焦出處渺何

據永夕思陶陶還復共子酌庶以忘昏朝

疊前韻二首

端居惜往日亦以觀我生我生值熙運文事謬策名長
安一再踐化理何休明涼風有餘燠秋吹無淒聲欣欣
樂時物一日猶千齡莫罷桓景佩尊從淵明傾雲日澹
自永草木忘枯榮青蒿與翠竹同此終歲情逝將履吾
素斯言夙已成

人生急鮮好乃騁浮妄交灼灼能幾何西風疾已凋時
清似秋氣物淨孤天高水石出幽澗煙霏斂寒霄安能
羅瑣屑供此時節勞翠以文自戕膏以明白焦鄙陋兩

無取此中已陶陶何人飲菊水尺寸爭暮朝

讀安溪座主紀仲父葆甫先生破賊詩敬題長句二章
白馬青龍割據區高陵伏莽最盤紆避家忽困虬蟬累
入穴輕編虎豹鬚心結精誠興霧雨勢回疆弱倒戈戈
當年諸葛真名士武緯文經八尺軀

家風義勇踐弓刀十口生還百戰勞保聚休誇庾翼行
傷殘猶勝趙威豪雪泥鴻迹閒心遠綽楔

龍章御榜高惆悵篇中更三歎春令詩在與誰號

壽總戎李公七十

溟渤含靈濶蒼梧發秀重諸山騰駟馬一水繞黃龍磅

礪生豪傑艱難競奮庸風霆初入手星宿早羅胸昨者
苞三葉南中夜四烽誰呼劉左袒驚絕李橫衝蠟疏吾
師秘機緘衆旅從時危公獨往

天聽寇難壅先發開重阻中權出九攻疆場分轉鬬幕府共
彌縫蛇豕終何事鯨鯢倏已封應時須策力命日記功
宗楚國憑陶侃山陽藉尹逢雅歌憑跌宕緩帶獨雍容
甫歷崇高勢旋歆智勇鋒何心爭絳灌且用訪喬松餘
事歸毫素閒情托扈農鴻飛天浩浩鶴放月溶溶經學
籛金貴庭除玉樹丰竹林遊異日松柏傲嚴冬皇覽齊
先後臣衷各靖共白頭誇將相人瑞一門鍾

讀研溪先生集有和查田前輩敝裘二首時方理故衣

感而和之得四首

萬戶秋聲一夜砧
棘中敗絮想縫紆
敢思衆白千純腋
况問雙鴉幾執鍼
冰暑膏游存百結
雪天當御佐孤衾
莫言皮在毛安傳
凜凜難忘歲晚心

逢掖三年溷薦紳
西河贏得一懸鶉
緇衣豈易班朝貴
赤芾方疑刺侯人
暖未能輕猶足重
器惟求舊敢圖新
也知狐貉多相耀
敝帚千金我自珍

樂府閨人念藥粘
寒衣千里恨機紆
壯心一日思于貉
餬口年來擬挫鍼
何用伐毛爭露穎
預愁緩帶媿霜衾

他年大澤終披去獨把漁竿萬古心

絺綌淒風逐縉紳授衣流火占三鶉裘陀骨自能禁凍
李兌貂寧肯遺人貲酒難堪供窈窕飲灰何意學鮮新
幾年送暖分寒意故劍耆簪各自珍

賦得潤物細無聲

靈液含膏澤細縕識化機度溪翻影暗近水掠光微冉
冉看初密蕭蕭聽更稀柳垂爭引帶燕舞各霑衣坐失
廉纖響行知斷續飛草心辨生意可獨謝春暉

次韻送同年閻泗山歸虞城

蓬嶠風濤一望憂飛蟠龍跡見無由棲遲不爲三三徑

汗漫方期九九州絲竹東山難老樹桃花前度定逢劉
思君不斷空桐水早晚徵書到隴頭

牢落金門溷歲星高鴻飛去忽冥冥乘車下澤歸何意
立馬東門醉莫醒風引三山無定住雲興四岳有時青
天公偶作投壺戲列缺驅雷不要聽

賦得烟輕柳未絲

生意含嘉卉新楊得氣初豈矜風雨重猶凜雪霜餘體
識當年弱光宜化日舒三陽相照媚萬物共勇與却彫
窺芳沼廻陰掠綺疏參差行處亂縹緲望中虛莫挽條
爲結難將汁染裙腰織還學舞髮淺不勝梳馳道三千

里龍鱗十六果黃勻朝霽近緣動遠波如宛宛臨官路
葱葱繞

帝居行看春色滿大造日吹嘘

詠史四首之一

東方朔

吾聞首陽拙柱下乃爲工依隱而翫世東方滑稽雄方
其伏處時文史足三冬四十四萬言星宿羅胸中待詔
金馬門詠嘲溷蛇龍一再陳讜言尺寸拜大中方今秦
階平六符懸

紫宮講武國常憲諫獵書無庸惟有一囊粟長安今古同

當時玉帛賜身口良已豐詭言飢欲死憤激非至公

入春雨澤愆期

呈上躬禱黑龍潭甘霖大沛恭紀十二韻

一氣天心合三才

聖德兼至誠格元漠茂對育蒼黔生意春將晚愆陽意未厭
不成傷稼穡已覺損句尖祀切諸神舉期嚴大卜簪驅
車奔霹靂清道戒飛廉黑輿方潛動青旌倏已霑寶珠
千里散銀竹半空緇莽昏城闕蕭蕭竟漏鏡圓紋攢
水亂密影翦花錯禱已先庚應齋仍太乙嚴

神功同造物敷錫遍閭閻

大閱恭紀

節侯中冬肅

天心協四時鳴鑾三極動傳箭六師知先發揚朱鳥中權駕
鐵驪旄頭黃纛出豹尾綠槍隨谷應摩訶奏風兼筆策
吹星河空際轉山嶽望中移宛宛排鸞鵠桓桓列虎熊
甲光寒日閃旗影曉雲披

廟算籌長駕

皇威下大綏前衝神不測左逐勢尤奇共識車攻意旋懽飲
至私載歌

神武烈元化婉軒義

癸巳十二月二十八日 禘祭禮成恭紀十二韻

間祀隆殷薦於昭

列祖神歲除規近代

有明以歲除舉行禘祭

朝踐肅清晨設業先司樂張

帷走繇人盛饗含雨露旂旆動星辰虎雉彝舟古竄蠡

饋食新味知三酒淡醴用七菹辛寶玉東西序珪璋左

右臣孝思羣廟萃和氣四時均二始聲情在三加璧角

陳蕃釐昌繼述餘慶浹尸賓饗保縣周武躬親邁宋仁

史策所書祀事唯宋仁宗親享者十二

史臣榮際會

勤政紀方頻

戶部尙書武進趙公七十壽

堯舜當陽久夔龍贊化遙偉哉清獻後卓爾

聖明朝大地河流壯中天嶽望喬鳳鳴皆律呂鵬運獨扶搖
四極憑黿足三辰視斗杓泰階方兩雨兩天路正迢迢伊
昔崧高運維皇覽揆朝六藝周簠簋七葉漢金貂上第
初通籍清途已振鐔陶施因俗化德罰應時昭澤遍還
馴雉威行輒徙臬朝廷須汲黯淑問取臯陶朔奏三千
牘周成十二條良材通

帝眷勁草驗衝飈風肅秋澄霽天高氣次寥遂將郇伯雨行
作浙江潮教法躬流示官書手簡料清心恆貫日勞勩
或通宵獨座權方擁單車過易招海隅承大化天未聳

孤標波擬迴瀾障山當眾煦漂

皇仁周四至文德到三苗建節旋移鎮揚箕暫息囂士風先
禮讓民力緩征徭多士晨鳴鐸三軍夜擊刁勤移陶侃
甕煩厭許由瓢杯水猶疑費孤琴尙覺饒饌惟誇二韭
飲並却三蕉海內名逾峻湖南福久徼

帝求惟肖傳人倚濟時姚遂總風三紀維平尹百僚正容先
岳牧元氣叶簫韶屢折千人諾時將十事要文章持玉
尺翡翠薄蘭茗渥水駒何駛荆山璞可雕搜應空結綠
顧已得華聊貞彙連茹進羣陰見覲消皇華淹日月行
傳足風謠石介終難轉松貞必後凋身裝辭寶劍秦魄

絕瓊瑤殿冷水重沍含弘海沃焦光誠依日月化擬徧
肖翹上計應輸晏元功必首蕭列占非虎得行談阿龍
趙道已孚

宸座莊休憶午橋金甌名預覆枚卜兆應焦霖雨須滂沛陰
陽要熒調韋賢還再相陳氏有三堯令子魁龍虎投交
許札喬通門迎酌斗聳壑快昂霄

寄暢園十詠

虹影流寒玉奎文散寶章夜疑霄漢近星斗燭雕梁

右宸翰堂

何人封殖此古色蔭清池向夕微風起蕭蕭立許時

右嘉樹堂

翼然臨水際山麓一亭深濠濮翛然意無人共此心

右清賞亭

三疊匡廬勝琤琤五老峯雪光飄素鳳雲氣逐飛龍

右三疊泉

鍛翎落菰蒲時出溪頭立本無稻梁心溪魚莫深入

右鶴步灘

沙檻壓風湍春魚可憐紫江湖幸相忘我意亦如此

右知魚檻

豫章雲氣流匡牀蔭清影蒼然墮星漢不省衣裳冷

右臥雲堂

卷軸散星燈舡稜响風鐸夜深螢火微雲中桂子落

右天香小閣

春波捲落紅蕩漾開晴旭日暮獨褰裳風泉耿華燭

右清川華薄

幸無遷徙勞太息菱谿記寧知不轉心猶挾風雲氣

右大石山房

送梁質人南還次彭尹作先輩韻

斯文七百載誰登六一堂臨川自俎豆南豐猶辦香側
身望前古如嬰思老蒼戔戔金精山異人起同鄉於赫

九君子長江初濫觴萬折赴東海觀者徒望洋遼東五
十年管寧惟藜牀哀哉寂寞濱守待終徬徨此道竟安
托惟有牧皮狂

夫子秉奇質樹立何堂堂早遊先達門弱植名已香高
詞爭皇墳異聞窮雅蒼流涕冬青林長嘯窮髮鄉長安
驅馬來相顧持一觴神龍氣成雲元間相茫洋安能問
田舍區區爭下牀歲晏復歸去霜露空徬徨還原當息
嗛斯言吾不狂